

ԹԱԼԻՆ ՀԱՄԱՅՆՔԻ ԱՎԱԳԱՆՈՒ 28.11.2022թ.-ի > N 47-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով <<Տեղական ինքնակառավարման մասին>> ՀՀ օրենքի 10-րդ հոդվածի 10-րդ մասով և 18-րդ հոդվածի 1-ին մասի 7-րդ կետով, <<Նորմատիվ իրավական ակտերի մասին>> ՀՀ օրենքի 33-րդ, 34-րդ և 37-րդ հոդվածներով, հիմք ընդունելով համայնքի ղեկավարի առաջարկությունը,

Թալին համայնքի ավագանին որոշում է՝

1. Թալին համայնքի ավագանու 28.11.2022թ.-ի N 47-Ն որոշման մեջ կատարել փոփոխություններ, <<Թալին համայնքի կամավոր խնդիրները ու դրանց լուծմանն ուղղված սեփական լիազորությունները սահմանելու և իրականացնելու կարգ>>-ը շարադրելով նոր խմբագրությամբ՝ համաձայն հավելվածի:

2. Ուժը կորցրած ճանաչել Թալին համայնքի ավագանու 28.11.2022թ.-ի <<<< Արագածոտնի մարզի Թալին համայնքի կամավոր խնդիրները սահմանելու ու դրանց լուծմանն ուղղված սեփական լիազորությունների իրականացման կարգը սահմանելու մասին>> N 47-Ն որոշումը և հիշյալ որոշման մեջ փոփոխություններ կատարելու մասին Թալին համայնքի ավագանու 31.03.2023թ.-ի N 31-Ա և 30.10.2024թ.-ի N 127-Ա որոշումները:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**Հավելված
Թալինի համայնքի ավագանու**

**11.02.2025թ. N
03 -Ն որոշման**

ԿԱՐԳ

**ՀՀ ԱՐԱԳԱԾՈՏՆԻ ՄԱՐԶԻ ԹԱԼԻՆ ՀԱՄԱՅՆՔԻ
ԿԱՄԱՎՈՐ ԽՆԴԻՐՆԵՐԸ ՈՒ ԴՐԱՆՑ ԼՈՒԾՄԱՆՆ ՈՒՂԴԱԾ ՍԵՓԱԿԱՆ
ԼԻԱԶՈՐՈՒԹՅՈՒՆՆԵՐԸ ՍԱՀՄԱՆԵԼՈՒ ԵՎ ԻՐԱԿԱՆԱՑՆԵԼՈՒ**

Ի.ԸՆԴՀԱՆՈՒՐ ԴՐՈՒՅԹՆԵՐ

1.Սույն կարգով սահմանվում են Թալին համայնքի կամավոր խնդիրները, ինչպես նաև կարգավորվում են Հայաստանի Հանրապետության Արագածոտնի մարզի Թալին համայնքի (այսուհետ՝ համայնքի) կամավոր խնդիրների և դրանց լուծման նպատակով համայնքի տեղական ինքնակառավարման մարմինների սեփական լիազորությունների իրականացման հետ կապված հարաբերությունները:

2.Սույն կարգի նպատակն է՝ ապահովել համայնքի ավագանուն Հայաստանի Հանրապետության Սահմանադրությամբ և օրենքներով վերապահված համայնքի կամավոր խնդիրների սահմանման լիազորության իրացումը, ինչպես նաև դրա հիման վրա, համայնքի տեղական ինքնակառավարման մարմինների համար ստեղծել ինստիտուցիոնալ պայմաններ, կամավոր խնդիրներից բխող սեփական լիազորությունների իրականացման համար:

3.Սույն կարգի խնդիրներն են.

1) ըստ համայնքի առանձնահատկությունների սահմանել համայնքի կամավոր խնդիրները

2) հաստատել կամավոր խնդիրների լուծումը ենթադրող սեփական լիազորությունները և դրանց իրականացման կարգն ու պայմանները.

3)սահմանել կամավոր խնդիրների լուծմանը միտված համայնքի տեղական ինքնակառավարման մարմինների ընթացակարգային գործառնությունները.

4)սահմանել կամավոր խնդիրների լուծման նպատակով ֆինանսավորման աղբյուրները և ֆինանսավորման ընթացակարգերը:

1. ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ ՈՒ ԴՐԱՆՑ ՍԱՀՄԱՆՄԱՆ ՆՊԱՏԱԿՆԵՐԸ

4.Համայնքի կամավոր խնդիրներն այն խնդիրներն են, որոնցով համայնքային կյանքի բնականոն ընթացքը ուղղակիորեն պայմանավորված չէ և կարող են իրականացվել, միայն պարտադիր խնդիրների լուծման համար անհրաժեշտ ֆինանսական միջոցներից բացի, հավելյալ ֆինանսական միջոցների առակայության դեպքում:

5.Համայնքի կամավոր խնդիրների սահմանման և դրանց իրականացման նպատակն է՝նպաստել համայնքում տեղական ինքնակառավարման արդյունավետության բարձրացմանը և հասցեականությանը՝ ապահովելով համայնքի կենսագործման համար անհրաժեշտ լրացուցիչ պայմաններ:

6. Համայնքի կամավոր խնդիրներն են.

1) բնակարանային և սոցալական նշանակության այլ օբյեկտների շինարարությունը և կապիտալ վերանորոգումը.

2)արհեստների, ժողովրդական ստեղծագործության և գեղարվեստական ինքնագործունեության զարգացման աջակցումը.

3)հանրակրթական դպրոցի (դպրոցների) գործունեության աջակցումը.

- 4)նոր աշխատատեղերի ստեղծման նպաստումը.
- 5)վճարովի հասարակական աշխատանքների կազմակերպումը.
- 6)հաշմանդամների, կերակրողին կորցրած ընտանիքների, սոցիալապես անապահով այլ խավերի սոցալական պայմանների բարելավման ուղղությամբ միջոցներ ձեռնարկելը.
- 7)գյուղատնտեսական աշխատանքների իրականացմանն աջակցելը.
- 8)ագրարային կանոնների պահպանման աշխատանքների կազմակերպումը.
- 9)համայնքի սոցալապես անապահով ընտանիքներին (բնակիչներին) սոցիալական օգնության տրամադրման կազմակերպումը.
- 10)պետական բարձրագույն և (կամ) միջնակարգ մասնագիտական ուսումնական հաստատություններում, ինչպես նաև պետության կողմից հավատարմագրված բարձրագույն ուսումնական հաստատություններում սովորող սոցիալապես անապահով ընտանիքների ուսանողների ուսման վարձի մասնակի հատկացումը.
- 11)համայնքի առողջապահության ոլորտի ՀՈԱԿ-ների գույքային և շենքային պայմանների բարելավումը.
- 12)մարզական, մշակութային և կրթական մրցույթների և միջոցառումների կազմակերպումը.
- 13)տարբեր կարգի մարզական, մշակութային և կրթական մրցույթներում մրցանակային տեղեր զբաղեցնող համայնքային թիմերին և համայնքի բնակիչ հանդիսացող անհատներին խրախուսումը.
- 14)համայնքապետարանի աշխատակազմի և համայնքային հիմնարկների ու կազմակերպությունների աշխատակիցներին հիվանդության և ընտանիքի անդամի հետ կապված դժբախտ դեպքերի համար աջակցելը:

III. ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ՆՊԱՏԱԿՈՎ ՍԱՀՄԱՆՎՈՐ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ

7.Համայնքի կամավոր խնդիրների լուծումն ապահովելու նպատակով, սույն կարգով սահմանվում են համապատասխան սեփական լիազորություններ: Այդ նպատակով սահմանվող սեփական լիազորություններն են.

- 1)կազմակերպում և իրականացնում է բնակարանային և սոցիալական նշանակության այլ օբյեկտների շինարարությունը և կապիտալ վերանորոգումը.
- 2)աջակցում է արհեստների, ժողովրդական ստեղծագործության և գեղարվեստական ինքնագործունեության զարգացմանը.

3) նպաստում և աջակցում է համայնքի հանրակրթական դպրոց(ներ)ի գործունեության կազմակերպմանը.

4) նպաստում և պայմաններ է ստեղծում նոր աշխատատեղերի ձևավորման համար.

5) կազմակերպում է վճարովի հասարակական աշխատանքներ.

6) ստեղծում է միջհամայնքային միավորումներ, ինչպես նաև անդամակցում է համայնքների հիմնադրած միություններին.

7) միջոցներ է ձեռնարկում հաշմանդամների, կերակրողին կորցրած ընտանիքների, սոցալապես անապահով այլ խավերի սոցիալական պայմանների բարելավման ուղղությամբ.

8) աջակցում է գյուղատնտեսական աշխատանքների իրականացմանը.

9) կազմակերպում է ագրարային կանոնների պահպանման աշխատանքները.

10)կազմակերպում է համայնքի սոցիալապես անապահով ընտանիքներին (բնակիչներին) սոցիալական օգնության տրամադրումը.

11)կազմակերպում և իրականացնում է պետական բարձրագույն և (կամ) միջնակարգ մասնագիտական ուսումնական հաստատություններում, ինչպես նաև պետության կողմից հավատարմագրված բարձրագույն ուսումնական հաստատություններում սովորող սոցիալապես անապահով ընտանիքներին ուսանողների ուսման վարձի մասնակի հատկացումը:

12)համայնքի առողջապահության ոլորտի ՀՈԱԿ-ների գույքային և շենքային պայմանները բարելավելու համար տրամադրում է ֆինանսական աջակցություն.

13)կազմակերպում է մարզական, մշակութային և կրթական մրցույթներ ու միջոցառումներ.

14)խրախուսում է տարբեր մակարդակի մարզական, մշակութային և կրթական մրցույթներում մրցանակային տեղեր զբաղեցրած համայնքային թիմերին և համայնքի բնակիչ հանդիսացող անհատներին.

15)տրամադրում է աջակցություն համայնքապետարանի աշխատակազմի և համայնքային հիմնարկների ու կազմակերպությունների աշխատակիցներին հիվանդության և ընտանիքի անդամների հետ կապված դժբախտ դեպքերի համար:

**1. ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ԵՎ ԴՐԱՆՑ
ՈՒՂՂԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԻ
ԻՐԱԿԱՆԱՑՄԱՆ ՖԻՆԱՆՍԱՎՈՐՈՒՄԸ**

2.

3. Համայնքի կամավոր խնդիրների լուծման և դրանց ուղղված տեղական ինքնակառավարման մարմինների սեփական լիազորությունների իրականացման ֆինանսավորումը իրականացվում է հետևյալ կարգով.

1) Համայնքի կամավոր խնդիրների լուծումը և դրանց ուղղված տեղական ինքնակառավարման մարմինների սեփական լիազորությունները իրականացվում են համայնքի բյուջեի սեփական եկամուտների միջոցներով:

2) Համայնքի կամավոր խնդիրների և դրանց լուծման համար սեփական լիազորությունների իրականացման համար համայնքի բյուջեով կարող են նախատեսվել ֆինանսական միջոցներ, որոնք չեն կարող գերազանցել այդ տարվա համայնքի բյուջեով նախատեսված սեփական եկամուտների 10%-ը:

3) Համայնքի կամավոր խնդիրների լուծման համար ֆինանսական միջոցների հատկացումը իրականացնում է համայնքի ղեկավարը՝ համայնքի բյուջեով նախատեսված հատկացումներին համապատասխան:

4) Համայնքի կամավոր խնդիրների (խնդրի) լուծման նախաձեռնությամբ կարող են հանդես գալ համայնքի տեղական ինքնակառավարման մարմինները, համայնքի բնակիչները և տեղական ինքնակառավարման բնագավառում գործունեություն իրականացնող հասարակական կազմակերպությունները:

5) Համայնքի կամավոր խնդիրների (խնդրի) լուծման ցանկացած նախաձեռնության դեպքում, համայնքի ղեկավարին է ներկայացվում խնդրի լուծման իրականացման վերաբերյալ առաջարկությունները՝ նշելով դրա նպատակը, խնդրի կարգավորման համար անհրաժեշտ ֆինանսական միջոցի չափը և դրա լուծման անհրաժեշտությունը հիմնավորող փաստաթղթերը (առկայության դեպքում):

6) Համայնքի ղեկավարը դիմումը և սույն կարգի 8-րդ կետի 5-րդ ենթակետում նշված անհրաժեշտ փաստաթղթերն ստանալուց հետո՝ կամավոր խնդրի լուծման իրականացմանը համաձայնվելու դեպքում՝ հնգօրյա ժամկետում ճշտում է դրանց արժանահավատությունը, հաշվարկում կամավոր խնդրի իրականացման համար անհրաժեշտ ֆինանսական միջոցի չափը և իր կարծիքը ներկայացնում է նախաձեռնողին:

7) Համայնքի կամավոր խնդրի լուծման իրականացմանը չհամաձայնելու դեպքում, համայնքի ղեկավարը նախաձեռնողին գրավոր տեղեկացնում է այդ մասին՝ նշելով չհամաձայնելու պատճառները և հիմքերը:

8) Համայնքի կամավոր խնդիրների լուծման իրականացման համար համայնքի ղեկավարը կարող է կազմել մշտական կամ ժամանակավոր հանձնաժողովներ, որոնց կազմում կարող են ընդգրկվել համայնքի ավագանու անդամներ, համայնքի աշխատակազմի ներկայացուցիչներ, համայնքի վարչական և հայեցողական պաշտոն զբաղեցնող անձինք:

9) Սոցիալական օգնության տրամադրման վերաբերյալ դիմումները մշտական

գործող հանձնաժողովի կողմից քննարկելուց հետո, տալիս է կամավոր խնդրի լուծման իրականացման համար եզրակացություն, նշելով անհրաժեշտ ֆինանսական միջոցի հատկացման չափը և անհրաժեշտությունը:

10)Սոցիալական աջակցության վերաբերյալ կամավոր խնդիրները լուծվում են համայնքի ավագանու սահմանած չափորոշիչներով:

11)Սույն կակարգով նախատեսված կամավոր խնդիրների ֆինանսավորումը մինչև 500.000(հինգ հարյուր հազար) ՀՀ դրամի սահմաններում իրականացվում է համայնքի ղեկավարի որոշմանը, հանձնաժողովի եզրակացության հիման վրա:

12)Համայնքի ավագանու կողմից սույն կարգով չկարգավորված կամավոր խնդիրների իրականացումը սահմանվում է բացառապես համայնքի ավագանու որոշմամբ:

1. ՍՈՒՅՆ ԿԱՐԳՈՒՄ ՓՈՓՈԽՈՒԹՅՈՒՆՆԵՐԻ ԵՎ (ԿԱՄ) ԼՐԱԳՈՒՄՆԵՐԻ ԿԱՏԱՐՈՒՄԸ, ԳՈՐԾՈՂՈՒԹՅԱՆ ԴԱԴԱՐԵՑՈՒՄԸ

9.Սույն կարգը վերանայվում է համայնքի ղեկավարի և (կամ) ավագանու նախաձեռնությամբ: Համայնքի ղեկավարը կարող է առաջարկություններ ներկայացնել համայնքի ավագանուն՝ փոփոխություններ և (կամ) լրացումներ կատարելու սույն կարգում կամ դադարեցնելու դրա գործողությունը:Իսկ համայնքի ավագանին, կարող է հանդես գալ սույն կարգում փոփոխություններ և լրացումներ կատարելու նախաձեռնությամբ, օրենքով սահմանված ընթացակարգով:

10.Սույն կարգի մեջ փոփոխությունների և (կամ) լրացումների կատարումը, գործողության դադարեցումը իրավասու է կատարել միայն համայնքի ավագանին՝ իր համապատասխան որոշմամբ: